

Prooemium.

Alma mater natura sinu suo innumeris recondit opes, quibus larga manu porrectis, breve hominis tempus ornat, animum exhilarat, vitaeque delicias non paucas addit.

Verum non solum iis prospicit, quorum genae amoeno cinguntur sanitatis colore, imo et debiles suos natos, atque infirmos aequali amplectitur cura, hebetes suffulcit, exhaustos erigit, liberalique manu ex thesauro suo inexhausto, arcana sua largitur, quae omni orbis terrarum auro pretiosiora, sanitatem misero, ipsum dulci existendi consuetudini reddunt.

Medico nunc horum corporum series attento animo perscrutanti, multa sane obviam fiunt, tam virtute piae alius eximia, quam applicatione multiplici insignia.

Elegi ex his pro themate inaugurali radicem Ipecacuanhae, corpus medicatum summi pro medico pretii, summae in lato morborum campo efficacie, meritisque expertissimorum laudibus condecoratum.

Quae ex castis virorum observationibus de ejus usu innotuere, quaeque alia scopo meo aduentia inveni, sedulo collegi et in ordinem redigi, adjungens tandem formulas quasdam, virorum gravissimorum usu sancitas.

Si quod viribus imbecillibus tentavi, opusculum severo non arrideat judicio Tuo, lector benevolē, auctoris culpam operi non imputare velles, quaeso.